

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I
POSLOVE MJESNIH ZAJEDNICA
Broj: 03-04-1263/21
Lukavac, 14.06.2021. godine

Na osnovu člana 69. Zakona o javnim nabavkama („Sl. glasnik BiH“, broj: 39/14) u otvorenom postupku javne nabavke radova za izgradnju rampi za pristup osoba sa invaliditetom, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU **o otkazivanju postupka javne nabavke**

Član 1.

Otkazuje se postupak javne nabavke radova za izgradnju rampi za pristup osoba sa invaliditetom, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Član 4.

Ovom Odlukom stavlja se van snage Odluka broj: 03-04-1263/21 od 23.04.2021. godine.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-02-1262/21 od 25.03.2021. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 13.270,00 KM.

Obavještenje o nabavci broj: 719-1-3-16-3-39/21 objavljeno je na Portalu javnih nabavki dana 26.03.2021. godine.

Komisija za provođenje postupka nabavke imenovana Rješenjem broj: 02-04-75-11/21 od 30.03.2021. godine i Rješenjem o izmjeni Rješenja broj: 02-04-75-11/21-1 od 15.04.2021. godine dostavila je Zapisnik o pregledu i ocjeni ponuda broj: 03-04-1263/21 od 22.04.2021. godine, Preporuku o izboru najpovoljnijeg ponuđača broj: 03-04-1263/21 od 22.04.2021. godine i Izvještaj o radu broj: 03-04-1263/21 od 22.04.2021. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljena jedna blagovremena ponuda, a da neblagovremenih ponuda nije bilo;

- da je ponuda ponuđača "ROADING" d.o.o Gračanica kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 13.270,00 KM i da je kriterij za dodijelu ugovora ekonomski najpovoljnija ponuda u skladu sa niže navedenim potkriterijima:

- a) Cijena 98 %
- b) Rok plaćanja 2 %

Ponuđač „ROADING“ d.o.o Gračanica“ dostavio je prihvatljivu ponudu sa cijenom u iznosu od 16.411,11 KM bez PDV-a i rokom plaćanja 60 dana od dana prijema fakture. Obzirom da vrijednost ponude prelazi iznos sredstva obezbjeđen za ovu nabavku, Komisija se, pismenim putem, obratila Službi za investicije i poslove mjesnih zajednica da ista utvrdi da li postoji mogućnost povećanja budžeta u iznosu od 3.141,11 KM bez PDV-a i dodijele ugovora, te da pisanim putem obavijesti Komisiju. Komisija je od Službe za investicije i poslove mjesnih zajednica zaprimila odgovor broj: 03-04-1263/21 od 20.04.2021. godine u kojem stoji da su dodatna sredstva obezbjeđena Budžetom općine Lukavac za 2021. godinu.

Isti ponuđač je propustio dostaviti garanciju za uredno izvršenje ugovora u roku od 10 dana od dana potpisivanja ugovora. Naime, Ugovor je potpisan 24.05.2021. godine i istu je trebao dostaviti zaključno sa 03.06.2021. godine. Kako do navedenog datuma ista nije dostavljena i kako je u predmetnom postupku primljena samo jedna ponuda riješeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac-Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

- 1. „ROADING“ d.o.o. Gračanica i
- 2. Arhivi.-



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-30-6245/20 d 21.12.2020.god.)

Emir Begić, dipl. ecc.